

# Safonau Gwasanaeth – Rheoli Ystadau



## Datganiad cenhadaeth Tai Ceredigion

"Bod yn landlord a chyflogwr dwyiethog o'r radd flaenaf sy'n rhoi tenantiaid yn gyntaf, sy'n darparu cartrefi o safon ac sydd o fudd i gymunedau a'r economi leol"

### Safon

Byddwn yn sicrhau bod yr ardaloedd lle'r ydych yn byw yn parhau'n lân, eu bod yn cael eu cynnal a'u cadw'n dda a'u bod yn lleoedd diogel i chi fyw ynddynt.

### Sut y byddwn yn gweithio i gyrraedd y safon

Byddwn:

- Yn sicrhau bod ein gwasanaethau glanhau a chynnal a chadw tir yn wasanaethau o safon bob amser, lle cânt eu darparu.
- Yn arolygu ystadau'n rheolaidd ac yn ymdrin ag unrhyw faterion sy'n codi ac yn cadw cofnodion o'r ymweliadau hynny.
- Yn atgyweirio ac yn cynnal a chadw ardaloedd cyffredin o fewn yr amserlenni yr ydym wedi eu cyhoeddi ar gyfer gwaith cynnal a chadw.
- Yn gweithio gyda thenantiaid a rhanddeiliaid/asiantaethau sy'n bartneriaid i ni er mwyn ymdrin ag ymddygiad sy'n niwsans - er enghraifft, sbwriel, achosion o dipio sbwriel yn anghyfreithlon, gerddi anniben a cherbydau a gaiff eu gadael yn segur - gan ddefnyddio ein Polisi Ymddygiad Gwrthgymdeithasol, a byddwn yn gorfodi amodau tenantiaeth lle bo hynny'n briodol.
- Yn cael gwared â graffiti anweddus cyn pen 1 diwrnod gwaith.
- Yn ymgynghori â chi ynghylch unrhyw newidiadau yr ydym yn bwriadu eu cyflwyno i lefel y gwasanaethau a ddarperir ar eich ystâd, gan roi mis o rybudd.
- Yn glanhau'n rheolaidd yr ardaloedd cyffredin sydd mewn blociau o fflatiau a chynlluniau tai gwarchod, y mae Contractau Glanhau yn berthnasol iddynt (Medra).
- Yn rhoi gwybodaeth ysgrifenedig i chi bob blwyddyn am yr holl wasanaethau mewn ardaloedd cyffredin yr ydych yn cyfrannu atynt drwy daliadau gwasanaeth.
- Yn galluogi preswylwyr i ymfalchio yn yr amgylchedd y maent yn byw ynddo.
- Yn sicrhau yr ymchwilir cyn pen 3 diwrnod gwaith i unrhyw eiddo a gaiff ei adael yn wag yn annisgwyl.

Caiff y Safonau hyn eu hadolygu'n rheolaidd, o leiaf bob tair blynedd

